



AN COIMISIÚN
EORPACH

An Bhruiséil, 22.4.2015
COM(2015) 174 final

2015/0090 (COD)

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena n-aisghairtear Treoir 76/621/CEE ón gComhairle maidir le socrú uasleibhéal an aigéid éarúcaigh in olaí agus i saille agus Rialachán (CE) Uimh. 320/2006 ón gComhairle lena mbunaítear scéim shealadach chun tionscal an tsiúcra a athstruchtú

MEABHRÁN MÍNIÚCHÁIN

Tá gníomhartha áirithe a glacadh thar na blianta a bhfuil a n-éifeachtaí go léir ídithe, ach tá siad fós i bhfeidhm go teicniúil. Tá na gníomhartha sin imithe i seandacht toisc gur ábhar sealadach a bhí i gceist iontu nó toisc gur ionchorpraíodh a n-inneachar i ngníomhartha eile a tháinig ina ndiaidh. D'aontaigh Parlaimint na hEorpa, an Chomhairle agus an Coimisiún ina gcomhaontú idirinstiúideach maidir le reachtóireacht níos fearr gur cheart dlí an Chomhphobail a thabhairt cothrom le dáta agus a chomhdhlúthú trí ghníomhartha nach bhfuil i bhfeidhm a thuilleadh a aisghairm. Ba cheart ionstraimí nach bhfuil ábhartha a thuilleadh a bhaint as an 'acquis communautaire' d'fhonn trédhearcacht agus deimhneacht dhlí an Aontais a fheabhsú.

Tá roinnt beart déanta ag an gCoimisiún chun reachtaíocht atá imithe i seandacht a bhaint as an acquis, cuid acu trí nós imeachta aisghairthe traidisiúnta, cuid eile acu trína fhógairt go bhfuil na gníomhartha iomchuí de chuid an Choimisiúin imithe i seandacht. Ina theannta sin, d'aithin an Coimisiún dhá ghníomh ón gComhairle a bhaineann leis an gComhbheartas Talmhaíochta, gníomhartha atá bunaithe ar Airteagal 42 agus Airteagal 43 den Chonradh (sean-Airteagail 36 agus 37), a bhfuil gach éifeacht phraiticiúil ídithe acu, ach atá fós i bhfeidhm go foirmiúil. Níl sé de chumhacht ag an gCoimisiún a fhógairt go bhfuil gníomhartha a ghlac an Chomhairle imithe i seandacht. Ar mhaithe le deimhneacht dhlíthiúil, molann an Coimisiún gur cheart don Chomhairle agus do Pharlaimint na hEorpa na gníomhartha atá liostaithe sa togra seo a aisghairm.

Togra le haghaidh

RIALACHÁN Ó PHARLAIMINT NA hEORPA AGUS ÓN gCOMHAIRLE

lena n-aisghairtear Treoir 76/621/CEE ón gComhairle maidir le socrú uasleibhéal an aigéid éarúcaigh in olaí agus i saille agus Rialachán (CE) Uimh. 320/2006 ón gComhairle lena mbunaítear scéim shealadach chun tionscal an tsiúcra a athstruchtúró

TÁ PARLAIMINT NA hEORPA AGUS COMHAIRLE AN AONTAIS EORPAIGH,

Ag féachaint don Chonradh ar Fheidhmiú an Aontais Eorpaigh, agus go háirithe an chéad fhomhír d'Airteagal 42 agus Airteagal 43(2) de,

Ag féachaint don togra ón gCoimisiún Eorpach,

Tar éis dóibh an dréachtghníomh reachtach a chur chuig na parlaimintí náisiúnta,

Ag féachaint don tuairim ó Choiste Eacnamaíoch agus Sóisialta na hEorpa¹,

Ag gníomhú dóibh i gcomhréir leis an ngnáthnós imeachta reachtach,

De bharr an méid seo a leanas:

- (1) Tá feabhsú thrédhearcacht dhlí an Aontais ina ghné shár-riachtanach den straitéis um reachtóireacht níos fearr atá á cur chun feidhme ag institiúidí an Aontais. Sa chomhthéacs sin, is iomchuí na gníomhartha sin nach bhfuil fíoréifeacht acu a thuilleadh a bhaint as an reachtaíocht atá i bhfeidhm.
- (2) Tá na gníomhartha dlíthiúla seo a leanas a bhaineann leis an gcomhbheartas talmhaíochta imithe i seandacht, cé go bhfuil siad fós i bhfeidhm go foirmiúil:
 - Treoir 76/621/CEE ón gComhairle². Tá inneachar na Treorach sin ionchorpraithe i Rialachán (CE) Uimh. 1881/2006 ón gCoimisiún³.
 - Rialachán (CE) Uimh. 320/2006 ón gComhairle⁴. Ní raibh feidhm ag an scéim shealadach, scéim a bunaíodh leis an Rialachán sin, ach go dtí an bhliain mhargaíochta 2009/2010.
- (3) Ar chúiseanna deimhneachta dlíthiúla agus soiléireachta, ba cheart na gníomhartha dlíthiúla sin atá imithe i seandacht a aisghairm,

¹ IO C , , lch. .

² Treoir 76/621/CEE ón gComhairle an 20 Iúil 1976 maidir le socrú uasleibhéal an aigéid éarúcaigh in olaí agus i saille atá ceaptha lena gcaitheamh ag an duine mar atá siad agus in earraí bia a bhfuil olaí agus saille curtha leo (IO L 202, 28.7.1976, lch. 35).

³ Rialachán (CE) Uimh. 1881/2006 ón gCoimisiún an 19 Nollaig 2006 ag socrú leibhéal uasta le haghaidh ábhar salaithe áirithe in earraí bia (IO L 364, 20.12.2006, lch. 5).

⁴ Rialachán (CE) Uimh. 320/2006 ón gComhairle an 20 Feabhra 2006 lena mbunaítear scéim shealadach chun tionscal an tsiúcra a athstruchtúró sa Chomhphobal agus lena leasaítear Rialachán (CE) Uimh. 1290/2005 maidir le maoiniú an comhbheartais talmhaíochta (IO L 58, 28.2.2006, lch. 42).

TAR ÉIS AN RIALACHÁN SEO A GHLACADH:

Airteagal 1

Déantar Treoir 76/621/CEE agus Rialachán (CE) Uimh. 320/2006 a aisghairm.

Airteagal 2

Tiocfaidh an Rialachán seo i bhfeidhm an tríú lá tar éis lá a fhoilsithe in *Iris Oifigiúil an Aontais Eorpaigh*.

Beidh an Rialachán seo ina cheangal go huile agus go hiomlán agus beidh sé infheidhme go díreach i ngach Ballstát.

Arna dhéanamh sa Bhruiséil,

Thar ceann Pharlaimint na hEorpa
An tUachtarán

Thar ceann na Comhairle
An tUachtarán